

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine FBiH», broj 34/03i 65/13) i člana 9. Zakona o javnim preduzećima u Federaciji BiH ("Službene novine FBiH», broj: 8/05, 81/08,22/09 i 109/12) , a u vezi sa odredbama člana 247.,248. i 303. Zakona o privrednim društvima ("Službene novine FBiH», broj: 81/15) i 24. Statuta JP»RTV Zenica» d.o.o. Zenica, Skupština JP»RTV Zenica» d.o.o. Zenica raspisuje:

O G L A S

za izbor kandidata za članove Nadzornog odbora JP»RTV Zenica» d.o.o. Zenica

Nadzorni odbor JP»RTV Zenica» d.o.o. Zenica sastoji se od tri člana.

I Opis pozicije

Nadzorni odbora JP»RTV Zenica» d.o.o. Zenica ima slijedeće nadležnosti:

- nadzire poslovanje Društva;
- priprema poslovnike i predlaže ih skupštini;
- priprema etički kodeks i predlaže ga skupštini;
- razmatra provedbeni propis za postupak nabavki i nadzire njegovo provođenje;
- daje mišljenje skupštini o prijedlogu Uprave za raspodjelu dobiti;
- predlaže način pokrića gubitka;
- imenuje i razrješava članove Uprave u skladu sa postupkom utvrđenim u Statutu Društva,
- daje ovlaštenja za aktivnosti koje su ograničene propisima Zakona o javnim preduzećima;
- daje upute direktoru za provođenje preporuka u vezi sa uočenim nepravilnostima;
- usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju Društva, koji obavezno uključuje izvještaj revizora, izvještaj o radu Nadzornog odbora i odbora za reviziju, i plan poslovanja za narednu poslovnu godinu u okvirima postojećeg plana i revidiranog plana;
- odobrava kupovinu, prodaju, zamjenu, uzimanje u lizing i druge transakcije s imovinom, direktno ili posredstvom supsidijarnih društava u toku poslovne godine u obimu od 15% (petnaest odsto) do 33% (trideset i tri odsto) knjigovodstvene vrijednosti ukupno imovine dioničkog društva;
- nadzire upravu u provođenju preporuka datih od strane Odbora za reviziju te vanjskog revizora sa specificiranim rokovima;
- sistematski nadzor nad poslovanjem i zakonitošću poslovanja Društva;
- redovno izvještavanje skupštine Društva o svom radu;
- davanje instrukcija organima Društva radi otklanjanja nepravilnosti u radu;
- prisustvovanje sjednicama skupštine Društva i učešće u raspravi bez prava glasa;
- pregled poslovnih knjiga i dokumentacije Društva;
- drugi poslovi predviđeni zakonom.

Mandat članova Nadzornog odbora traje 4 (četiri) godine, s mogućnošću ponovnog imenovanja u skladu sa Zakonom.

Naknadu za rad predsjednika i članova Nadzornog odbora utvrđuje svojim aktom Skupština društva.

Kandidati moraju ispunjavati opće i posebne uvjete.

II Opći uslovi za imenovanje

Svaki kandidat mora ispunjavati sljedeće opće uslove:

- 1. da je državljanin Bosne i Hercegovine,*
- 2. da nije otpušten iz državne službe, kao rezultat disciplinske mjere na bilo kojem nivou vlasti Bosne i Hercegovine, u periodu od tri godine prije dana objavljivanja Javnog oglasa,*
- 3. da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),*
- 4. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (Službene novine FBiH), broj 34/03),*
- 5. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine («Službeni glasnik BiH», broj 16/02 i 12/04),*
- 6. da nije član upravnog ili nadzornog odbora drugog društva ili institucije,*
- 7. da nema privatni/finansijski interes u instituciji u kojoj se kandiduje,*
- 8. da nije osuđivan za krivično djelo i za privredni prestup - prekršaj nespojiv s dužnošću u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,*
- 9. da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje,*
- 10. da nije stariji od 65 godina.*

III Posebni uslovi za imenovanje:

- da ima visoku stručnu spremu (VII stepen) i pet godina radnog iskustva u struci i spremi,*
- da posjeduje stručno znanje iz oblasti društvenih ili tehničkih nauka, vezanih za oblast privrede i medija*
- da posjeduje znanje iz oblasti rada i organizacije javnih preduzeća,*
- da je uspješan privrednik-menadžer ili javni djelatnik,*
- sposobnost za savjesno, odgovorno i odlučno obavljanje pozicije,*
- sposobnost nepristrasnog donošenja odluka,*
- rezultati rada ostvareni tokom poslovne karijere.*

IV Uz prijavu kandidata, koja treba da sadrži kraću biografiju, adresu i kontakt telefon, potrebno je priložiti sljedeću dokumentaciju:

- 1. uvjerenje o državljanstvu ili ovjerenu kopiju CIPS-ove lične karte,*
- 2. izjava o činjenicama nabrojanim u alinejama 2 do 9. općih uslova iz oglasa,*
- 3. dokaz o školskoj spremi,*
- 4. dokaz o radnom iskustvu.*

Dokumenti koji se prilažu uz prijavu na oglas moraju biti originalni ili ovjerene kopije.

Oglas za podnošenje prijava ostaje otvoren 15 dana od dana objavljivanja. Posljednji dan podnošenja prijava računa se prema datumu objave u glasilu koje posljednje bude objavilo ovaj oglas.

*Oglas će biti objavljen u «Službenim novinama Federacije Bosne i Hercegovine» i dnevnom listu «Oslobođenje» i na web stranici Grada: www.zenica.ba
Neblagovremene i nepotpune prijave neće se razmatrati.*

Prijavu sa traženom dokumentacijom dostaviti lično na protokol ili preporučeno poštom sa naznakom "PRIJAVA NA OGLAS-NE OTVARATI", a na sljedeću adresu:

*JP»RTV Zenica» d.o.o. Zenica
Komisija za izbor
Bulevar kralja Tvrtka I bb
72 000 ZENICA*